

## **Relacion mbi aktivitetin e Autoritetit të Konkurrencës për vitin 2013 sipas programit.**

### ***Përmbledhje e zhvillimeve kryesore***

Viti 2013 shënon 10 vjet eksperiencë në hyrjen në fuqi dhe në zbatimin të ligjit shqiptar të konkurrencës, eksperiencë të cilat kanë mundësuar rritjen dhe konsolidimin e Autoritetit të Konkurrencës, si mbikëqyrësi kryesor i konkurrencës në treg.

Për realizimin e aktivitetit gjatë vitit të kaluar, institucioni i konkurrencës është mbështetur në rezolutën e Kuvendit të Republikës së Shqipërisë “Për vlerësimin e veprimtarisë së Autoritetit të Konkurrencës për vitin 2012” dhe raportin e progresit të Komisionit Evropian, në zbatim të ligjit bazë dhe legjislationit dytësor. Forcimi i zbatimit të ligjit nëpërmjet përdorimit të instrumentave dhe rritjes së efikasitetit të ndërhyrjes së institucionet të konkurrencës në mbrojtje të lojës së lirë aktorve të tregut ka qënë objektivi i aktivitetit të Autoritetit të konkurrencës gjatë vitit 2013.

Veçoria e veprimtarisë së Autoritetit të Konkurrencës gjatë vitit të kaluar është jo vetëm rritja e numrit të **ankesave** të depozituar por, kryesisht rritja e numrit të atyre që i adresohen ligjit “Për mbrojtjen e Konkurrencës”. Ky fakt është një tregues i rritjes së kulturës së biznesit mbi ligjin e konkurrencës dhe i rritjes së besimit për rolin e Autoritetit të Konkurrencës, por nga ana tjetër përbën edhe një nga sfidat për trajtimin e shpejtë e profesionalizëm nga specialistët e institucionit, si dhe rruajtja e konfidencialitetit. Gjatë vitit 2013, Autoritetit i janë adresuar 16 ankesa nga të cilat: 4 (katër) ankesa janë për marrëveshje të ndaluara apo sjellje të bashkërenduara; 8 (tetë) ankesa janë për abuzimin me pozitën dominuese të një apo disa ndërmarrjeve; 1 (një) ankesë për revokimin e vendimit të Komisionit si dhe 4 (katër) ankesa që nuk ishin në përputhje me objektin e ligjit “Për mbrojtjen e konkurrencës”.

Objekt i ankesave të ndërmarrjeve kanë qënë, kryesisht, në tregun e ngarkim-shkarkimit në rrugë detare të gazit të lëngshëm, në tregun e komunikimeve elektronike, në tregun e energjisë elektrike, në tregun e prokurimeve publike, në tregun e sigurimeve, në tregun e transportit urban të qytetit të Tiranës, nëpërmjet të cilave janë prezantuar shqetësimet e operatorve për kufizime të mundshme të konkurrencës të shaktuara nga operatorët apo grupë operatorësh të tjerë. Bazuar në këto ankesa janë ndërmarrë procedurat e monitorimit dhe të hetimit nga Sekretariati, në zbatim të parimeve të kodit të procedurës administrative dhe kuadrin ligjor të konkurrencës, si dhe janë trajtuar gjerësisht në mbledhjet e Komisionit të Konkurrencës, i cili ka ndërmarrë vendimarrjen përkatëse

Përgjatë kësaj periudhe kohore, Komisioni i Konkurrencës ka **marrë 42 vendime**: 2(dy) vendime për gjoba, (1 për praktika antikonkurrese dhe 1 për mos njoftimin e përqendrimeve); 14 (katërbëdhjetë) vendime për autorizimin e kontrollit të përqendrimeve; 1(një) vendim për dhënie rekomandimesh për institucionet publike dhe entet rregullatore në kuadër të advokacisë së konkurrencës (pa përfshirë opinionet e Komisionit të Konkurrencës të dhena jo në formë vendimi); 3 (tre) vendime për bazën ligjore sekondare; 2 (dy) vendime për aktet nënligjore të së drejtës së konkurrencës; dhe vendimet e tjera janë procedurale (përfshirë vendimet për hapje hetimi paraprak, hapje hetimi të thelluar, etj).

Gjatë vitit 2013 ka vazhduar trajtimi i problematikave të mbartura nga viti 2012, ne tregjet të tilla si: prodhimi, importi dhe i tregëtimt me shumicë i vajit vegjetal; prodhimi, importi dhe tregëtimi me shumicë i çimentos; tregu i transportit urban qyteas të udhëtarve në qytetin e Tiranës; tregu i telefonisë celulare me pakicë. Sikurse, janë realizuar procedurat e monitorimit dhe të hetimit në tregjet si: ngarkim-shkarkimi në rrugë detare të gazit të lëngshëm; telekomunikacioneve; energjisë elektrike; tregu i prokurimeve publike i shërbimit të ruajtjes fizike; tregu i i prodhimit, importit dhe shitja me shumicë i karburanteve; si dhe tregu i sigurimeve të detyrueshme të mjeteve motorike. Këto raste, kryesisht, janë filluar bazuar nga ankesat e ndërmarrjeve në tregjet përkatëse, të cilat adresojnë shqetësime për sjelljet antikonkurrese të ndërmarrjeve me fuqi tregu apo të grupimeve të ndërmarrjeve.

Eksperienca e grumbulluar gjatë gjithë periudhës së zbatimit të ligjit “Për Mbrojtjen e Konkurrencës” tregon se është rritur numri i ankesave për **marrëveshje të ndaluara**, tregues i rritjes së shkallës së njohjes të së drejtës së konkurrencës kryesisht në bizneset dhe tregjet ku janë zhvilluar monitorime dhe hetime të Autoritetit të Konkurrencës. Por, në të njëjtën kohë është rritur shkalla e vështirësisë së gjetjes së evidencave direkte që do të provonin ekzistencën e marrëveshjeve të ndaluara. Për këto arsye, Autoriteti i Konkurrencës është përqëndruar në rritjen e shkallës së profesionalizmit nëpërmjet zbatimit të teknikave bashkëkohore të evidentimit të marrëveshjeve të ndaluara dhe rritjes së kapaciteteve administrative për shqyrtimin e karteleve nëpërmjet analizave ekonomike dhe ekonometrike. Ky fakt është evidentuar gjatë shqyrtimit të të rasteve në tregun e vajit dhe të çimentos.

Gjatë trajtimit të rasteve që lidhen me **abuzimet me pozitën dominuese** është evidentuar rëndësia dhe roli i enteve rregullatore të tregjeve të rregulluara, si në atë të telekomunikacionit apo të energjisë, apo rëndësia që ka roli i shtetit si mbikëqyrës i drejtëpërdrejt i zbatimit të detyrimeve kontraktuale në shërbimet e dhëna me konçesion si në rastin e konçesionit të ngarkim-shkarkimit të gazit të lëngshëm në rrugë detare.

Gjatë vitit 2013, janë shqyrtuar dhe autorizuar 13 praktika të shit/blerjes së transaksioneve të cilat kanë sjellë përfitim e kontrollit, bashkimin e ndërmarrjeve apo krijimin e një ndërmarrje të

re. Përqendrimet e ndodhura janë shqyrtuar si për efektet pozitive të sjella në treg, porë kjo nga pikëpamja e konsumatorit dhe rritjes së efikasitetit në treg, ashtu edhe nga premiset e mundshme për të krijuar apo forcuar pozitën dominuese të ndërmarrjes së përqëndruar në treg. Përqendrimet kryesore kanë ndodhur në tregun e energjisë elektrike, ndërtimit, shitjes me pakicë etj., dhe në asnjë nga rastet e shqyrtuara nuk ka patur shqetësime për kufizim të konkurrencën në formën e krijimit apo forcimit të pozitës dominuese.

Forcimi i zbatimit të Ligjit është konsideruar e lidhur ngushtë me plotësimin dhe përmirësimin e **kuadrit nënligjor** të konkurrencës, proces i cili synon edhe përafrimin e legjislacionit shqiptar me të drejtën evropiane në fushën e konkurrencës. Risia e procesit të miratimit të akteve nënligjore, për vitin 2013, konsiston tek konsultimi publik dhe organizimi i tryezave të rrumbullakta me studjot ligjore të cilat paraqitën komentet dhe vlerësimet e tyre, si përdorues të drejtëpërdrejtë të së drejtës shqipëtare të konkurrencës. Autoriteti i Konkurrencës ka hartuar dhe miratuar aktet nënligjore të parashikuara në Planin Kombëtar për Zbatimin e Marrëveshjes së Stabilizim Asocimit, në të cilën përfshihet: rregullorja për kategori të caktuara të marrëveshjeve dhe praktikave të bashkërenduara në sektorin e sigurimeve si dhe në sektorin e transportit ajror, për zbatimin e nenit 6 të ligjit, përjashtimet në bllok të marrëveshjeve midis ndërmarrjeve që operojnë në sektorët përkatës. Gjithashtu, është miratuar udhëzuesi për vlerësimin e marrëveshjeve horizontale, i cili përbën një manual pune për ekspertët e konkurrencës si të institucionit të konkurrencës ashtu edhe për palët e treta të interesuar për zbatimin e ligjit. Procesi i hartimit dhe i miratimit të këtyre akteve nënligjore është përdorur si instrument për forcimin e kulturës dhe advokacisë së konkurrencës në ambjentin që na rrethon.

Efekti i vendimeve të Komisionit të Konkurrencës është i lidhur me shkallën e zbatimit të tyre. Vendimet e Komisionit të Konkurrencës të cilat i adresohen ndërmarrjeve për shkeljet e provuara të ligjit në formën e abuzimit me pozitën dominuese apo në formën e pjesëmarrjes në marrëveshjet e ndaluara, dhe që konkludojnë me gjopa janë objekt **shqyrtimi në gjykatë**. Gjatë vitit të kaluar kanë qënë për 27 çështje në të 3 shkallët prej të cilave 16 raste mbeten për shqyrtim në 2014 dhe 11 prej tyre shqyrtuar në 2013 duke rezultuar përkohësisht: 5 të humbura, 5 të fituara dhe 1 dërguar për rishqyrtim për efekt moskompetence në Gjykatën Administrative.

Nëse i referohemi statistikave për vitin 2013, të cilat janë mjaft të detajuara në shtojcat e këtij raporti, në Gjykatën e Shkallës së Parë, janë trajtuar gjithësej 8 vendime të Komisionit të Konkurrencës, nga të cilat 2 procese kanë konfirmuar vendimarrjen e Komisionit të Konkurrencës, 3 vendime të Komisionit të Konkurrencës janë rrëzuar dhe 3 raste janë në proces shqyrtimi. Në Gjykatën e Apelit gjatë vitit 2013 kanë qënë për shqyrtim 8 çështje, nga të cilat mbeten 4 për t'u shqyrtuar në 2014 dhe 4 janë shqyrtuar. Nga këto të fundit 2 vendime të Komisionit të Konkurrencës janë rrëzuar, 1 vendim i Komisionit të Konkurrencës u konfirmua dhe tjetra i kaloi për shqyrtim Gjykatës Administrative, ku pritet të kalojnë edhe 4 çështjet e mbetura për shqyrtim në 2014. Ndërsa në Gjykatën e Lartë gjatë 2013, të cilat janë mbartur nga vitet e kaluara, kanë qënë 11 çështje për shqyrtim, nga të cilat vetëm për 1 rast është vendosur mospranim i rekursit të paraqitur nga ndërmarrja, duke konfirmuar përfundimisht

vendimin e Komisionit të konkurrencës në tregun e telefonisë celulare. Vendimi i Komisionit të Konkurrencës, për vendosje gjobe ndaj një ndërmarrje në tregun e telefonisë celulare për mos dhënin informacionit gjatë procedurës hetimore, e Dhjetorit 2005 është shqyrtuar, pas rekursit të Autoritetit për të cilën Gjykata e Lartë ka vendosur kthimin për rigjykim në Gjykatën e Apelit, kurse 9 mbeten për shqyrtim për 2014. Rasti i përmendur, rekursi i të cilit është depozituar që në vitin 2008, evidenton problematikën e kohëzgjatjes së tratimit të një vendimi të Komisionit të Konkurrencës në sistemin gjyqësor, i cili përbën një nga shqetësimet kryesore pasi lidhet me efektin që sjellin ndërhyrjet në treg të Autoritetit të konkurrencës. Në këtë këndvështrim, fillimi i Gjykatës Administrative në fillim të këtij viti për bën edhe një instrument shumë të rëndësishëm i cili do të ndikojë jo vetëm në shkurtimin e afateve por pritet që edhe shkalla e ekspertizës së trajtimit të çështjeve të konkurrencës të përmirësohet ndjeshëm, duke sjellë edhe rritjen e cilësisë së analizave institucionit në konkurrencës si dhe të vendimarrjes së komisionit të Konkurrencës.

Komisioni i Konkurrencës, nuk ndërhyrë në treg vetëm nëpërmjet instrumentit të gjobës për ndërmarrjet, por gjithashtu, për realizimin e misionit të tij për konkurrencë të lirë dhe efektive në treg, përdor edhe instrumentin e **advokacisë**, nëpërmejt vendimeve që adresojnë rekomandime për entet rregullatore të tregjeve specifike apo institucioneve të tjera qëndrore. Prandaj, për rritjen e efektivitetit të ndërhyrjeve në treg, Autoriteti i Konkurrencës e konsideron jetike bashkëpunimin me entet rregullatore dhe institucionet publike, nëpërmjet të të cilit zbatohet advokacia, si shtylla e katërt e ligjit. Për këtë qëllim janë përmirësuar më tej instrumentat e komunikimit jo vetëm në organizimin e tryezave të përbashkëta në nivel ekspertësh dhe të bordeve vendimmarrëse por, edhe nëpërmjet takimeve për të ndarë shqetësimet apo opinionet midis ekspertëve të institucioneve. Këto instrumenta të komunikimit synojnë jo vetëm thjeshtë adresimin e rekomandimeve por, dikutimin dhe ndarjen e vizioneve të cilat reflektohen në veprime afatshkurtra apo afatgjata nga entet rregullatore të tregjeve të rregulluara. Këto praktika janë ndjekur më Autoritetin e Komunikimeve Elektronike dhe Postare (AKEP), Autoriteti i Mbikëqyrjes Financiare (AMF), Entin Rregullator të Energjisë (ERE) si dhe Autoriteti i Aviacionit Civil.

Aspektet e advokacisë gjithmonë janë parë të lidhura ngushtë me aspektet e rritjes së kulturës së konkurrencës. Risia e vitit të kaluar ka qënë që pothuajse të gjitha rregulloret dhe udhëzuesit janë miratuar pasi kanë kaluar procesin e konsultimit publik duke u publikuar në faqen zyrtare të Autoritetit, si dhe sensibilizuar palët e interesit nëpërmjet njoftimeve për mediat të cilat kanë qënë koherente për të gjitha vendimet finale të Komisionit të Konkurrencës. Pjesë e tryezave konsultative me publikun nuk kanë qënë vetëm përfaqësuesit e biznesit, por edhe studiot ligjore si pjesë e sistemit të zbatimit me korrektësi të Ligjit “Për mbrojtjen e konkurrencës”.

**Forcimi i kapaciteteve** institucionale të institucionit të konkurrencës ka qënë edhe një nga prioritetet e vitit të kaluar dhe që përbëjnë edhe një nga sfidat e vazhdueshme të Autoritetit të konkurrencës për t’ju përgjigjur me ndërhyrje gjithënjë e më të shpejta e me cilësi kërkesave për mbrojtjen dhe nxitjen e konkurrencës midis lojtarëve të tregut. Prandaj jo vetëm kulaifikimi i

vazhdueshëm por edhe rishqyrtimi i rasteve pasi përfundon tërësisht procesi, pra edhe vendimarrja e Komisionit, nga të gjithë punonjësit e Sekretariatit të konkurrencës është konsideruar si një instrument përr të mësuar nga ato elemnete të proçdurës apo analizave ekonomike, apo të sigurimit të proçës që nuk janë performuar me cilësi. Pra të mësuarit nga gabimet është një nga instumentat e tjerë që po përdorë institucioni i konkurrencës.

Profili publik i Autoritetit të Konkurrencës ka njohur zhvillime intensive gjatë vitit 2013 duke shënuar rritje të kulturës dhe shkallës së njohjes së ligjit dhe politikës së konkurrencës në Shqipëri. Një sërë artikujsh në media e shkruar dhe atë vizive mbi vendimmarrjen e Komisionit të Konkurrencës, pjesëmarrja aktive në konferenca dhe ëorkshope nga përfaqësuesit e Autoritetit dhe prezantimet e ekspertëve në konferencat ndërkombëtare kanë ndikuar në rritjen e profilit publik në ambjentin e brendshëm dhe në atë ndërkombëtar të Autoritetit të Konkurrencës.

Raporti vjetor është konceptuar në 6 pjesë kryesore duke filluar me zhvillimet kryesore në zbatimin e ligjit dhe politikës së konkurrencës, aktivitetet zbatuese në pjesën e dytë të ndara sipas kolonave kryesore të ligjit: abuzim me pozitën dominuese, marrëveshjet e ndaluara, kontrollin e përqëndrimeve dhe rishikimin gjyqësor, për të vijuar me pjesën e tretë me kapacitete administrative të ngarkuara me zbatimin e ligjit, pjesa e katërt lidhet me aktivitetin e advokacisë së konkurrencës, pjesa e pestë me bashkëpunimin ndërkombëtar kryesisht me Komisionin Evropian dhe pjesa e fundit i referohet prioriteteve të punës së Autoritetit të Konkurrencës për vitin 2014.

Gjatë zhvillimit të aktivitetit të institucionit, nepermjet strukturave drejtuese, deri në vendimmarrje, janë miratuar procedura, veprime të cilat synojnë reduktimin e risqeve me synimin për të arritur objektivat e institucionit deri në marrjen e vendimeve nga Komisioni i Konkurrencës.

Me synim përafrimit të legjislacionit shqiptar me të drejtën europiane në fushën e konkurrencës, Autoriteti i Konkurrencës ka hartuar dhe miratuar aktet nënligjore të parashikuara në PKZMSA në fukison të plotësimi dhe përafrimit të legjislacionit dytësor.

Gjatë vitit 2013, Komisioni i Konkurrencës ka miratuar dy rregulloret dhe dy udhezues të cilat janë në zbatim të amendimeve të Ligjit nr 9121, datë 28.07.2003 “Për mbrojtjen e konkurrencës” (i ndyshuar); si dhe po punohet për plotësimin dhe përditësimin e kuadrit ligjor dytësor.

## **Aktivitetet zbatuese:**

*Përgjatë kësaj periudhe kohore, Komisioni i Konkurrencës ka marrë 42 vendime. Më konkretisht:*

- *është hetuar në 6 raste të marrëveshjeve të ndaluara nga të cilat ne nje rast eshte me masë administrative(gjobë), 4 raste janë në procedura të hetimit të thelluar, është mbyllur hetimi pa konstatuar shkelje të ligjit. Per nje rast kemi vazhdimesi ne procedurat e hetimit.*
- *është hetuar në tre raste për abuzim me pozitën dominuese. nje është në procedura të hetimit paraprak dhe nje rast pa gjobe por eshte dhene vendimi per rekomandime.*
- *janë marrë 14 vendime për kontrollin e përqendrimeve;*
- *janë dhënë 10 (dhjete) rekomandime për institucionet publike dhe entet rregullatore në kuadër të advokacisë së konkurrencës*
- *nga komisioni i konkurrencës janë dhene edhe 12 vendimet e tjera procedurale, përfshirë vendimet për hapje hetimi paraprak, hapje hetimi të thelluar, gjoba për shkelje të lehtë të ligjit , shtyrje afatesh hetimi, e, tjera*
- *Jane kryer 6 procedura per monitorime te tregjeve nga te cilat 3 rekomandime, nje hetim nje procedure e mbyllur , nje studim.*

Institucioni yne , konstaton se ka përmbushur kërkesat ligjore minimale dhe ka vënë në zbatim kontrole të përshtatshme në fushat e mëposhtme:: ekzistencën e rregullave/urdhërave të brendshme per përshkrimin e proceseve kryesore operacionale dhe financiare, sistemin e firmës se dyfishte; ruajtjen e aktiveve dhe ndarjen e detyrave; dokumentimin e të gjitha operacioneve, veprimeve dhe transaksioneve financiare.si dhe procedura të tjera të miratuara , në aktivitetin kryesor deri në vendimarrje.

Gjithë transaksionet financiare nënshkruhen nga nëpunësi autorizues dhe ai zbatues dhe ato kryhen në përputhje me udhëzimet dhe rregullat e Ministrisë së Financave.

Egzistojne kontrollet ne nivel menaxherial.

Inicuesit e shpenzimit në më të shumtën e rasteve janë drejtuesit e drejtorive dhe pastaj aprovohet nga nëpunësi autorizues dhe ai zbatues konform kerkesave te legjislacionit per perdorimin e buxhetit.

Punonjësit marrin udhëzime ,trajnime lidhur me mënyrën se si të sillen përballë ofertave korruptive. Aktivitet afatgjata dhe aktivitet e vlefshme për institucionin janë të mbrojtura kundrejt aksesit dhe përdorimit të paautorizuar .

***Të dhëna statistikore mbi vendimet e Komisionit të Konkurrencës sipas viteve***

<b>Viti</b>	<b>Vendime në total</b>	<b>Përqendrimi</b>	<b>Abuzimin me Pozitën Dominuese</b>	<b>Marrëveshje Të ndaluara</b>	<b>Përjashti me nga Marrëveshjet</b>	<b>Rregullore dhe Udhëzues</b>	<b>Rekomandime ndaj Institucioneve Publike</b>	<b>Vendime për vendosje gjobe</b>	<b>Masa të përkohshme</b>	<b>Vendime të tjera</b>
<b>2013</b>	42	14	3	5	1	3	1	2	1	12

*Në total janë zhvilluar 17 seanca dëgjimore, 2 tryeza të rrumbullakëta dhe 1 konsultim publik.*

Tabela: Monit Klasif.Ekonom.

Aneksi 9  
Formati Nr. 6

Raportet e Monitorimit  
Raporti i Shpenzimeve Faktike të Programit sipas Artikujve

Janar- Dhjetor  
2013

Grupi		77	Kodi	1077001		
Programi		Mbikqyrja e tregut dhe garantimi I konkurrences	Titulli	04120		
Artikulli Kodi	Emri	Totali Shpenzimeve				
		(1) MTBP Plan 2012	(2) Buxheti 2012	(3) Buxheti i Rishikuar 2012	(4) Fakti 2012	(5)=(2)-(4) Diferenca 2012
600	Paga	42,550,000	42,550,000		42,550,000	0
601	Sigurime Shoqërore	6,000,000	6,000,000		6,000,000	0
602	Mallra dhe Shërbime të Tjera	6,638,000	6,638,000		6,634,625	3,375
603	Subvencione		0			0
604	Transferta Korente të Brendshme		0			0
605	Transferta Korente të Huaja		0			0
606	Trans per Buxh. Fam. & Individ	500,000	500,000		500,000	0
<b>Nen-Totali</b>	<b>Shpenzime Korrente</b>	<b>55,688,000</b>	<b>55,688,000</b>	<b>0</b>	<b>55,684,625</b>	<b>3,375</b>
230	Kapitale të Patrupëzuara		0			0
231	Kapitale të Trupëzuara	5,000,000	5,000,000		4,822,445	177,555
232	Transferta Kapitale		0			0
<b>Nen -Totali</b>	<b>Shpenzime Kapitale</b>	<b>5,000,000</b>	<b>5,000,000</b>	<b>0</b>	<b>4,822,445</b>	<b>177,555</b>
			0			0
<b>Totali</b>	<b>Korrente dhe Kapitale</b>	<b>60,688,000</b>	<b>60,688,000</b>	<b>0</b>	<b>60,507,070</b>	<b>180,930</b>
<b>Jashte Buxhetore</b>		<b>0</b>	<b>0</b>	<b>0</b>	<b>0</b>	<b>0</b>

<b>Totali (korrente + kapitale + jashte buxhetore)</b>				<b>60,688,000</b>	<b>60,688,000</b>	<b>0</b>	<b>60,507,070</b>	<b>180,930</b>
--	--	--	--	-------------------	-------------------	----------	-------------------	----------------

Drejtuesi i Ekipit Menaxhues të Programit	Emri		Sekretari i Përgjithshëm/Titullari i Institucionit	Emri		
	Firma			Firma		
	Data			Data		



Tabela Monit.Program

**Aneksi  
9**

**Raportet e Monitorimit**

**Formati Nr. 7**

**Raporti i Shpenzimeve sipas Programeve**

Emri i Grupit		Kodi i Grupit			
Programet		Shpenzimet e Ministrisë/Ins Buxhetor			
Titulli	Emri	PBA Plan 2012	Budget 2012	Fakti 2012	Diferenca 2012
04120	Mbikqyrja e tregut dhe garantimi i konkurrences	60,688,000	60,688,000	60,507,070	180,930
		0	0	0	0
		0	0	0	0
		0	0	0	0
<b>Totali i Shpenzimeve te Ministrise/Inst. Buxhetor</b>		<b>60,688,000</b>	<b>60,688,000</b>	<b>60,507,070</b>	<b>180,930</b>

Drejtuesi i Ekipit Menaxhues të Programit	Emri		Sekretari i Përgjithshëm/Titullari i Institucionit	Emri	
	Firma			Firma	
	Data			Data	

Tabela Monit. Rezult

Aneksi 9

Formati Nr.  
8

Raportet e Monitorimit

Raporti i Realizimit të Produkteve të Programit

<b>Grupi</b>	77				<b>Kodi</b>	1077001			
<b>Programi</b>	04120 Mbikqyrja e tregut dhe garantimi i konkurrences				<b>Titulli</b>	4120			
<b>Kodi i</b>				<b>Sasia e</b>	<b>Sasia e</b>	<b>Realizimi</b>			<b>Komente</b>
<b>Produktit</b>	<b>Emri Produktit</b>	<b>Njësia Matëse</b>	<b>Planifikuar</b>	<b>Realizuar</b>	<b>Plotesisht</b>	<b>Pjesërisht</b>	<b>Aspak</b>		
A	Hetimi I praktikave te marrveshjeve te ndaluara	vendime	5.0	5.0	5.0	1.0		nje rast ne procedure hetimi	
B	Ndalimi I abuzimit me poziten dominuese dhe kontrolli I perqendrimeve		20.0	17.0	17.0				
C	Advokacia e Konkurrences		5.0	3.0	3.0				

Drejtuesi i Ekipit Menaxhues të Programit	Emri		Sekretari i Përgjithshëm/Titullari i Institucionit	Emri		
	Firma			Firma		
	Data			Data		

Tabela Shpenz. sipas Produkteve

Aneksi 9

Raportet e Monitorimit

Formati Nr.  
9

Raporti I Shpenzimeve Faktike të Programit sipas Produkteve

Grupi	77			Kodi	1077001
Programi	04120 Mbikqyrja e tregut dhe garantimi I konkurrences			Titulli	4120
		Shpenzimet e Produktit			
Kodi i	Emri i Produktit	PBA Plan 2012	Buxhet 2012	Fakti 2012	
A	Hetimi I praktikave te marrveshjeve te ndaluara	20,229,333	20,229,333	20,169,023	
B	Ndalimi I abuzimit me poziten dominuese dhe kontrolli I perqendrimeve	20,229,333	20,229,333	20,169,023	
C	Advokacia e Konkurrences	20,229,333	20,229,333	20,169,023	
		0	0	0	
		0	0	0	
		60,688,000	60,688,000	60,507,070.0	

Drejtuesi i Ekipit Menaxhues të Programit	Emri	Sekretari i Përgjithshëm/ Titullari i Institucionit	Emri		
	Firma		Firma		
	Data		Data		

Tabela: Raportimi i Investimeve

**Aneksi 9**

**Formati Nr. 10**

**Raportet e Monitorimit**

**Projektet me financim te brendshem**

000/ Leke

Emertimi I projektit	Vlera e plote e projektit	Buxheti 2012			Komente	
		Plani	Kontraktuar	Realizuar	Problematika dhe shkaqet e mosrealizimit	Masat qe propozohen te merren
<b>Permiresimi I rrjetit informatik te institucionit</b>	<b>3,000</b>	<b>3,000</b>		<b>3,000</b>		
<b>Blerje paisje zyre dhe hetimi</b>	<b>2,000</b>	<b>2,000</b>		<b>1,822.00</b>		
Blerje pajisje per rritjen e kapacitetit teknik te sistemit informatik	300	300		-		
Blerje pajisje zyre dhe sistemi audiovizual	60	60		-		
Blerje pajisje kompjuterike dhe hetimi	1,640	1,640		-		
<b>Totali</b>	<b>5,000</b>	<b>5,000</b>	<b>-</b>	<b>4,822</b>		

**Formati Nr. 11**

**Projektet me financim te huaj**

000/ Leke

Emertimi I projektit	Grant/ Kredi	Emri i Donatorit	Vlera e plote e projektit	Disbursimi i parashikuar ne 2011	Disbursimi i realizuar per periudhen	Komente	
						Problematika dhe shkaqet e mosrealizimit	Masat qe propozohen te merren

Tabela:Info Shtese

**Realizimi i Shpenzimeve te Buxhetit**

	<b>Emertimi</b>	<b>Plani 2013</b>	<b>Fakti 2013</b>	<b>% e Realizimit</b>
1	Shpenzime Personeli	48,550	48,550	100%
2	Shpenzime te tjera korrente	6,638	6,635	99.90%
3	Shpenzime Kapitale	5,000	4,883	97.60%
	<b>TOTALI</b>	60,188	60,068	99.80%

**Realizimi i Shpenzimeve te Programit**

<b>Emertimi</b>	<b>Plani 2013</b>		<b>Fakti 2013</b>		<b>% e realizimit</b>	
	<b>Korrente</b>	<b>Investime</b>	<b>Korrente</b>	<b>Investime</b>	<b>Korrente</b>	<b>Investime</b>
Mbikqyrja e Tregut	55188	5000	55185	4883	99.9	97.6
<b>TOTALI</b>	55188	5000	55185	4883	99.9	97.6

**Krahasimi i te dhenave faktike, te raportit te Autoritetit te Konkurrences me te dhenat e Thesarit, per te njejten periudhe raportuese**

<b>Programet</b>	<b>Shpenzime Korrente</b>			<b>Shpenzime Kapitale</b>			<b>Totali i Shpenzimeve</b>		
	<b>AK</b>	<b>Thesari</b>	<b>Dif</b>	<b>AK</b>	<b>Thesari</b>	<b>Dif</b>	<b>AK</b>	<b>Thesari</b>	<b>Dif</b>
Mbikqyrja e Tregut	55,185	55,185	-	4,883	4,883	-	60,068	60,068	
<b>TOTALI</b>	55,185	55,185	-	4,883	4,883	-	60,068	60,068	

**Informacion mbi volumin dhe madhesine e ndryshimit te buxhetit**

<b>Programet</b>	<b>Buxheti Filestar 2013</b>	<b>Buxheti me ndryshime</b>	<b>Diferenca</b>
	<b>(1)</b>	<b>(2)</b>	<b>(4=3-1)</b>
Mbikqyrja e Tregut	62,188	60,188	2,000
<b>Totali i AK</b>			